



**Quæstionum Canonicarum, In Quinque Libros
Decretalium, Tomus ...**

In Lib. III. Decretalium. In quo agitur De Rebus, quae in judicium devenire solent, cujusmodi sunt, de vita et moribus Clericorum, ...

Schlüter, Georg

Augustæ Vindelicorum, 1708

§. 4. An, & qualiter emi ac vendi possint Nomina?

[urn:nbn:de:hbz:466:1-73045](https://nbn-resolving.de/urn:nbn:de:hbz:466:1-73045)

restatoris , an etiam id , quid ex impuberis hereditate , ad eum , qui vendidit hereditatem , pervenit . ex empto actione loquum faciat ? & magis est , ne veniat ; quia alia hereditas est , licet enim unum testamentum sit , alia tamen , atque alia hereditas est ; planè , si hoc actum sit , dicendum erit , etiam impuberis hereditatem in venditionem venire : maxime , si jam delata impuberis hereditate , venierit hereditas .

Quæstio 2. an si hæres vendat hereditatem sibi delatam , eo ipso etiam censetur cum ea (post venditionem perfectam , & factam traditionem) venditum jus accrescendi ? - q. quod sic , juxta sententiam probabiliorem per L. 2. §. 4. ff. h. t. ibi : non solum , quod ad venditorem hereditatis auctupervenit , sed etiam , quod ad heredem ejusdem ex hereditate pervenit , & perventurum est , Emptori restituendum : s.

§. 4.

An, & qualiter emi ac vendi possint Nomina ?

¹⁴⁴¹ Suppon. *actiones* , quæ alicui competunt ad perendam ab altero solutionem debiti , à Juristis vocari *Nomina* , *Credita* , *Debita* , vel *Chirographa* ; cuiusmodi sunt literæ censualæ , fundatae in mutuo dato , &c. Porro ejusmodi *Nomina* , etiam ignorantie , vel invito debitore (intellige ante litem contestatam , non autem post , quia lite contestata actio evadit litigiosa ; res autem litigiosæ vendi non possunt) vendi posse ; aperte constat ex L. 3. C. de hæred. vendit , & L. 1. C. de Novat. Hoc intellige de omnibus personalibus ; Nam cum actio realis *fundatur* in dominio rei (ut est rei vendicatio) adhuc tamen etiam *actiones reales* licite vendi possunt , sic tamen , ut Emptori competit non *actio directa* , sed *solum utilis in rem* per L. 9. C. de hæred. & *action. vendit* : ibi : certi , & indubitate juris est , ad similitudinem ejus , qui *personalem* redemerit *actionem* , & utiliter eam movere conceditur ; etiam eum , qui *in rem actionem* comparaverit , *cädem uii*

posse facultate . Cum enim *actionis nomen generale sit omnium* , sive *in rem* , sive *in personam* *actionum* , &c. nihil est tale , quod differentiam in hujusmodi utilib⁹ *actionib⁹* possit introducere . Hinc quādo dicitur *actionem cessam esse personalem* (nimirum in *personam debitoris* ; quæ non nisi ex *contraetu* , maleficio , vel *similibus causis* datur) *eis contractu* intelligitur vel *explicito* , vel *implicito* ; *debitor* enim *consentendo in contractum* , *implicitè se obligavit omni ei* , ad quem *ius Creditoris* legitimè transverit . Hinc ubi dicitur , *nemo alteri invitus obligatur* ; Resp. alia obligatione , ac illa in quam nunquam volens consensit C. in quam volens consensit N. alias *actiones* nec ad hæredes transirent . Not. præterea 1. quod Creditor vendendo alteri suam *actionem* , etiam *potentiori* , non faciat *debitoris conditionem* deteriorem ; cum statim solvendo debitum se possit liberare . Not. 2. licet *debitor* non possit *Creditori* invito , alium debitorem substituere (cum novus *debitor* possit esse non solvendo , vel morosus) possit tamen à *Creditore* alium *Creditorem* , etiam invito *debitori* ; cum hic non subeat per hoc illud *præjudicium* . Not. 3. delegationem *nominis* non nisi consentiente *debitore* fieri posse ; quia de illius natura est *stipulatio* , & *mutua promissio* , ut pater ex L. 1. C. de Novat. fecus est in venditione *Nominis* ; quibus positis :

Quæstio est 1. *an actiones seu nomina* , ¹⁴⁴² *debita* , *credita* , *vel chirographa* , *licitè emantur minori pretio* (quam , quod per se continent) intuitu lucri cessantis , *damni emergentis* , *periculi obtinendæ solutionis* , & *faciendarum expensarum* , adeoque , quando sunt *incerta* , & *periculosa* ? Ante resolut. not. 1. quando *nomina* , *vel chirographa* sunt *affecta* talibus circumstantiis , *seu periculis* , *valorem eorum merito* decrescere secundum quantitatem ejusmodi *onerum* , & *periculorum* ; ex quo recte sequitur , quando *chirographum* , *continens debitum 100. florinorum* , (*ratione illarum circumstantiarum*) decrescit *solum ad valorem 60.* licite illud *emi 60.* quia sic datur tantum pro tanto (*pretium scilicet juxta valorem mercis*) *sic Cardenas*

Uu 3;

in

Tract. in Lib. III. Decretal. Quæstio XVII.

342 in Cris. ad propos. damnat. sub Innoc. XI.
dissert. 25. a. n. 37.

1443 Sed, ut hoc recte accipiatur not. 2. hoc non procedere, quando tota difficultas acquirendi *plenum creditum*, vel non, sine illis periculis, tenet se *ex parte Emptoris*, qui simul sit debitor, culpabiliter apponens illas difficultates; quia sic manifestè committit *injustitiam*; adeoque respectu iiii decrementum valoris in eo non est sine obligatione compensandi; ex quo sequitur, quod Principes, vel eorum ministri, quibus incumbit solvere debita, non possint bona conscientia minori pretio emere credita, vel chirographa, *minoris estimata proprie predicta pericula, & difficultates acquirende solutionis*, quas ipse *injuste apponunt*; Sic P. Paulus Rosiner in Tract. de jure, & just. de Empt. chirographorum n. 4 pag. 291. Si autem Emptor non sit simul debitor, nec causa circumstantiarum (propter quas valor chirographi decrevit) licet minoris emit; quia sic citra *injustitiam* dat æqualitatem pretii, nempe juxta valorem chirographi in iis circumstantiis, quarum ipse non est *injustè* causa. Quod verum est, licet ipse non habeat illam difficultatem acquirendi à debitore talem sumam, sed tantum Creditor; ut, si sciat, debitorem sibi addictum, amicum, obligatum &c. quia tunc solvit, quantum res valet in communi hominum affimatione; adeoque servat æqualitatem; nec minus dat, quam alii darent, qui non haberent eas qualitates.

1444 Quæstio est 2. quid dicendum in casu, quo debitum est *liquidum*, nulla affectum estimabili difficultate lucri cessantis, damni emergentis, periculi &c. ea dimittat excepta, *quod dies neandum venerit* (hoc est, quod Creditor illud nondum, sed primo post annum, vel longius tempus exigere posset;) in hac quæstione distinguendum est, nam si Creditor tale debitum proponit *venale minori pretio*, gratis remittens excessum debiti, non est dubium licere talem exemptionem liberali donatione vel remissione excessus, mixtam. Quod maximè procedit, si Dominus chirographi, ultro exponat venale chirographum; quia *merces ultronea vi- lescunt pro tercia parte*; sic Cardenas cit. n. 37. & apud eum Lessius de Just. c. 21.

dub. 4. n. 33. Card. Lugo tom. 2. de Just. D. 26. sect. 4. n. 45. & alii. Aliud est, si proponat venale minori pretio, coactus necessitate indigentiae præsentis; & in hoc casu, licet aliqua affirmatio, adhuc licere illud emere minori pretio; longè tamen probabilius est, quod non, *ex parte Emptoris nullum omnino sit damnum*, vel periculum acquirendi rotam suminam; sic Cardanus cit. n. 37. quia secluso omni titulo *ex parte emptoris*, propter quod chirographum in valore descrebat, non servatur æqualitas pretii, adeoque committitur *injustitia*.

§. 5.

An, & qualiter emi, ac vendi possint debita litigosa?

Casus est. Titius haber item cum Cajo v. g. in centum millibus florinorum; sed quia litis eventus est ambiguus, & res multis annis, atque expensis exposita: Titius minori pretio jus suum cedit, & vendit Sempronio. Quæstio est 1. an Sempronius item illam licet minoris emat? obstat viderur, 1. quod vendi non possint res *litigiosa*, L. *lite pendente*, L. *quicunque*, L. *censemus*, C. de litigiosis. 2. Constatuio Anastasia, L. 22. C. Mandati, ubi Imperator, ejusmodi litium cessiones inhibet; & vult, ut si litis Emptor item lucretur, debitor ei non plus solvere tenetur, quam Emptor litis vendori in premium dederit, sed cum usuris; exceptum tamen certis casibus, in quibus redemptio alienæ litis conceditur.

Casus ibidem excepti sunt sequentes: 1. inter hæredes; quorum unus potest alteri cedere actionem; 2. si Creditor à suo debitore accepit in solutum nomen sui debitoris; tunc enim agere potest jure cesso; 3. si Creditor patiatur controversiam super pignoribus sibi obligatis; tunc enim cilicet à debitore petere, ut sibi cedat actionem; 4. Sirei alicuius possessio patiatur actionem super re, quam possidet, à non Domino ius fructuarii, vel superficiarii sibi cedi, ut se defendere possit adversus

ve-